

Kalaallit Nunaannut aammalu Kalaallit Nunaanniit timmisartuussinerni imermik Kalaallit Nunaanni imeqarneqartumik sassaalliteqartoqartalernissaa sulissutigineqassasoq, ilanngullugu attuumassuteqartunik suleqateqarnikkut soorlu timmisartuutileqatigiiffiit aammalu Visit Greenland Naalakkersuisut peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaq Lars Poulsen, Siumut

Akissuteqaat

(Nunanut allanut, Inuussutissarsiornermut, Aatsitassanullu Naalakkersuisoq)

Siullermeerineq

Inatsisartunut ilaasortap Lars Poulsenip siunnersuuteqarneranut, Naalakkersuisut sinnerlugit qutsavigaara.

Suliniutit Kalaallit Nunaanni isumalluutunik iluaquteqarnermik ersarinnerulersitsisinnaasut, annertunerulersitsisinnaasullu Naalakkersuisut pitsaasutut isigaat. Inuussutissarsiutinik ineriartortitsinerup tapersersorneqarnissaanik, Kalaallit Nunaannilu pinngortitami periarfissaareersunik naleqarnerulersitsinissamik siammasinnerusumik kissaateqarnermut siunnersuut tapersiivoq.

Kalaallit Nunaanni tunisassiat nalinginnaasumik soqutigineqaleraluttuinnarput. Tunisassiat taakku amerlanersaat najukkami, nunallu assigiinngitsut akornanni niuerfintut tunisassiarineqarnerulernissaat tapersersussallugu Naalakkersuisut anguniagaraat.

Tassungaa atatillugu imermik najukkami maqitamik Kalaallit Nunaannut aamma Kalaallit Nunaannit timmisartuussinerni imaluunniit umiarsuarni takornariartaatini sassaalliteqartarnikkut, tunisassianik Kalaallit Nunaanneersunik pitsaasunik tikeraanut tikinniariartut saqqummiussinertut atorsinnaavoq. Assinganik takornarialerinermut atatillugu Kalaallit Nunaannit imermik sassaalliteqartarneq – soorlu assersuutigalugu akunnittarfinni aamma neriniartarfinni – Kalaallit Nunaata tikitassatut pitsaasumik misigisaqarfigineranut annertusaaqataasinnaavoq.

Inuussutissarsiutillit qanimut suleqatigalugit, niuerfimmilu atugassarititaasut malillugit ineriartortitsisoqarnera Naalakkersuisut pingaartippaat. Ingerlatsisut aalajangersimasumik niuernissaannik peqqussallugit Naalakkersuisut anguniagarinngilaat, kisiannili Kalaallit Nunaanneersunik atuisoqarsinnaatillugu taakkua atussallugit soqutiginnilersitsisunik pitsaasunik, patajaatsunillu sinaakkuteqartitsinissamut tapersiissallutik siunertaralugu.

Kalaallit Nunaat, isumalluutigullu pillugit oqaluttuap annertusarnissaa Naalackersuisut eqeersimaartumik sulissutigaa. Tassunga atatillugu nammineq kajumissutsimik nalunaaqutsersueriaaseq “Product of Greenland”, qaammammi uani tusarniutigissallugu naatsorsuutigineqartoq suliarineqarpoq. Kalaallit Nunaanni tunisassiat aaqqiinerup takujuminarnerulersissavai, taamaalillunilu aamma najukkami, nunanilu assigiinngitsuni ersarinnerunissaat, tunineqarnerunissaallu annertusissallugu.

Kalaallit Nunaanni inuussutissarsiutinik ineriartortitsinerup siuarsarnissaa, naleqarnerulersitsinissarlu pillugit pingaarnertut anguniakkamut, siunnersuut naapertuuttutut nalilerneqarpoq. Tamanna pillugu periusissiorluni suliaqarnermi, aamma matumani imermik, sermimillu niuernerme iluaquteqarnermut periusissiassami siunertat Naalackersuisut ilanngutissavaat.

Taamatut oqaaseqarlunga siunnersuut Inatsisartuni suliassanngorlugu ingerlateqqinneqarpoq.